

**Član 4.**  
(Postupak)

- (1) Postupak za preispitivanje nepravilnog postavljenja mogu pokrenuti institucija BiH u kojoj državni službenik obavlja svoju dužnost ili Agencija.
- (2) Zahtjev se podnosi Odboru.
- (3) Ukoliko Zakonom, ovom odlukom ili drugim propisima donesenim za primjenu Zakona nije drugačije propisano, u postupku se primjenjuju odredbe Zakona o upravnom postupku ("Službeni glasnik BiH", br. 29/02, 12/04, 88/07 i 93/09).

**Član 5.**  
(Rokovi)

- (1) Postupak za preispitivanje nepravilnog postavljenja se može pokrenuti u roku od šest mjeseci od kada se saznalo za nepravilno postavljenje ili kada se prema redovnom toku stvari za to trebalo saznati.
- (2) Krajnji rok za pokretanje postupka iz stava (1) ovog člana je tri godine od izvršenog nepravilnog postavljenja.
- (3) Izuzetno od odredaba stava (2) ovog člana, ukoliko je nepravilno postavljenje izvršeno kao rezultat počinjenog krivičnog djela, koje je utvrđeno pravomoćnom osuđujućom presudom donesenom u krivičnom postupku, krajnji rok za pokretanje postupka je šest mjeseci od pravomoćnosti presude.

**Član 6.**  
(Pravni lijekovi)

Protiv odluke Odbora nije dozvoljena žalba, ali se može u roku od 15 dana od dana dostavljanja pokrenuti upravni spor u skladu sa Zakonom.

**Član 7.**  
(Pravne posljedice)

- (1) Ukidanjem rješenja kojim je izvršeno nepravilno postavljenje, lice koje je prije nepravilnog postavljenja bilo državni službenik se vraća u status koji je imao prije izvršenog nepravilnog postavljenja. U slučaju da se državni službenik za kojeg je ukinuto rješenje kojim je izvršeno nepravilno postavljenje ne može vratiti u status koji je imao prije nepravilnog postavljenja odnosno ne može vratiti na isto ili slično radno mjesto u svojoj instituciji, na istog se primjenjuju odredbe propisa koji uređuju oblast prekobrojnosti državnog službenika.
- (2) Ako rješavanje statusa državnog službenika zahtijeva donošenje novih akata, institucija BiH je dužna iste donijeti u roku od 30 dana od dana donošenja rješenja Odbora, a za to vrijeme državni službenik ima prava prema statusu iz stava (1) ovog člana.
- (3) Ukoliko prije nepravilnog postavljenja lice nije imalo status državnog službenika, istom prestaje radni odnos saglasno rješenju Odbora, bez prava na otpremninu. Radni odnos prestaje najkasnije u roku od 15 dana od dana uručivanja rješenja Odbora, o čemu institucija BiH donosi posebno rješenje.

**Član 8.**  
(Odgovornost za nepravilno postavljenje)

Za nepravilno postavljenje državnog službenika odgovara odgovorno lice u instituciji BiH saglasno Zakonu i drugim propisima.

**Član 9.**  
(Prijelazna odredba)

Pokrenuti postupci nepravilnih postavljenja u kojima nije donesena odluka Odbora okončat će se u skladu sa odredbama ove odluke.

**Član 10.**  
(Stupanje na snagu)

Ova odluka stupa na snagu osmog dana od dana objavljivanja u "Službenom glasniku BiH".

VM broj 217/12  
04. decembra 2012. godine  
Sarajevo

Predsjedavajući  
Vijeća ministara BiH  
**Vjekoslav Bevanda, s. r.**

**1266**

Na temelju članka 3a. Zakona o administrativnim taksama ("Službeni glasnik BiH", br. 16/02, 19/02, 43/04, 8/06, 76/06 i 76/07) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u svezi sa člankom 21. stavak (5) Pravilnika o fitosanitarnim zahtjevima za drveni materijal za pakiranje u međunarodnom prometu ("Službeni glasnik BiH", broj 60/12), Vijeće ministara Bosne i Hercegovine, na 30. sjednici, održanoj 4. prosinca 2012. godine, donijelo je

**ODLUKU  
O UTVRĐIVANJU VISINE NAKNADE ZA  
OBAVLJANJE SLUŽBENE PROVJERE, IZDAVANJE  
SLUŽBENE POTVRDE I OBAVLJANJE  
FITOSANITARNOG PREGLEDA****Članak 1.**

(Predmet Odluke)

Ovom Odlukom utvrđuje se visina naknade za obavljanje službene provjere, izdavanje službene potvrde i obavljanje fitosanitarnog pregleda iz Pravilnika o fitosanitarnim zahtjevima za drveni materijal za pakiranje u međunarodnom prometu ("Službeni glasnik BiH", broj 60/12), (u daljem tekstu: Pravilnik).

**Članak 2.**

(Visina naknade)

- (1) Za obavljanje službene provjere iz članka 14. stavak (3) Pravilnika, podnosilac zahtjeva plaća naknadu u iznosu od:
  - a) 200,00 KM organu za službenu provjeru i potvrđivanje;
  - b) 200,00 KM Upravi Bosne i Hercegovine za zaštitu zdravlja bilja (u daljem tekstu: Uprava) na JRT - Jedinstveni račun Trezora Bosne i Hercegovine.
- (2) Za izdavanje službene potvrde iz članka 14. stavak (6) Pravilnika, podnosilac zahtjeva plaća organu za službenu provjeru i potvrđivanje naknadu u iznosu od 50,00 KM.
- (3) Za obavljanje fitosanitarnog pregleda iz članka 22. stavak (1) Pravilnika, pravno ili fizičko lice koje primjenjuje postupke tretiranja i označavanja drvenog materijala za pakiranje plaća naknadu u iznosu od:
  - a) 200,00 KM organu za službenu provjeru i potvrđivanje;
  - b) 200,00 KM Upravi na JRT - Jedinstveni račun Trezora Bosne i Hercegovine.

**Članak 3.**

(Stupanje na snagu)

Ova Odluka stupa na snagu osmog dana od dana objavljivanja u "Službenom glasniku BiH", a počinje se primjenjivati od 01.01.2013. godine.

VM broj 218/12  
4. prosinca 2012. godine  
Sarajevo

Predsjedatelj  
Vijeća ministara BiH  
**Vjekoslav Bevanda, v. r.**